



Inatsisartunut ilaasortaq  
Sofie Geisler  
Maani/

### § 37 naapertorlugu apeqqut nr. 133-mut akissut.

§ 37, imm.1 Inatsisartut malittarisassai tunngavigalugu Naalakkersuisunut imaattuumik apeqquteqarsimavutit *Inuussutissarsiutigalugu aalisarnermut kiffartuussinermut isumaqatigiissutit qassit ukiuni 2019-imi 2020-imilu akuerineqarsimappat?* Apeqqut uanga akisussaaffigisannut akineqartussatut innersuussutigineqarsimavoq.

Apeqqut Naalakkersuisunut:

### **Apeqqut: Inuussutissarsiutigalugu aalisarnermut kiffartuussinermut isumaqatigiissutit qassit ukiuni 2019-imi 2020-imilu akuerineqarsimappat?**

**Akissut:** Aalisarnermut Piniarnermut Nunalerinermullu Naalakkersuisoqarfik (APNN) aalisarnermut kiffartuussinermut tunngasunik isumaqatigiissutissaqarnikuunngilaq, 2019-imi 2020-imiluunniit. Taamaattorli Naalakkersuisoqarfik ukiuni taaneqartuni aningaasaliissuteqarnikuuvoq Aalisarnermut Piniarnermullu Siunnersuisartunut (KONFIFA) aningaasaqarnermut inatsisip kontoa 51.01.07 aqqutigalugu. KONFIFA aalisartunut piniartunullu kattuffianiitinnearpoq (KNAPK-mi). APNN KONFIFAp saniatigut isumaqatigiissuteqanngilaq.

Inuussutissarsiornermut Naalakkersuisoqarfiup nalunaarutigivaa kiffartuussinermut isumaqatigiissutinik atsiortarlutik nunaqarfinnut isorliunerusunullu, taakkulu tunisassiornermut tapiissutinik pisinnaasarput aningaasaqarnermut inatsisip kontoa 64.10.34 aqqutigalugu, taakkulu tunisassiorfinnut nunaqarfinniittunut isorliunerusuniittunullu tapiissutaasarput.

Ukiuni 2019-imi 2020-imiluunniit kiffartuussinermut isumaqatigiissutissanik pilersitsoqarsimangilaq ingerlatitsivinnut toqqaannartumik aalisartuusunik aalisariutitaqartunulluunniit.

2019-imi 2020-imilu kiffartuussinermut Asimit ApS-lu isumaqatigiissuteqarpoq, taakkulu ilaatigut tapiissutinik pissarsisarput aalisakkanik panertunik quersuarmititaqarnissamut. Erseqqissaatigineqassaaq Asimit ApS nammineerlutik aalisariutinik peqanngimmata, Asimit ApS aalisakkanik qalerualinnillu nammineerlutik tunisassiornissaminnut pisisarput.

Inussiarnersumik inuullaqqusillunga

Jens Immanuelsen

Aalisarnermut, Piniarnermut Nunalerinermullu Naalakkersuisoq